

四庫全書

史部

欽定四庫全書

史部

水經注釋卷三五

詳校官監察御史臣周元良

刑部郎中臣許兆椿覆勘

總校官降調編修臣倉聖脈

校對官編修臣卞庭澐

謄錄監生臣董鏞

欽定四庫全書

水經注釋卷三

仁和趙一清撰

河水三

河水又北過北地富平縣西

河側有兩山相對水出其間即上河峽也世謂之為

青山峽河水歷峽北注枝分東出

一清按太平寰宇記慶州樂蟠縣馬

嶺山俗名箭筈嶺與青山相連亘有馬嶺坂左右帶川相傳漢之牧地也有水出縣西北注水經云與青

山水合今本無之樂蟠縣漢北地郡富平縣地章懷
後漢書注云青山在北地參巒界青山中水所出也
續志北地郡參巒縣故屬安定
有青山馬嶺水亦見補附洛水
河水又北逕富平縣

故城西秦置北部都尉治縣城

一清按漢志北地郡富平縣北部都尉治

神泉障云治在障則王莽名郡為威戎縣曰特武建非縣城矣道元誤也

武中曹鳳字仲理為北地太守政化尤異黃龍應於

九里谷高岡亭角長三尺大十圍稍至十餘丈天子

嘉之賜帛百匹加秩中二千石河水又北逕薄骨律

鎮城城在河渚上赫連果城也桑果餘林仍列州上

但語出戎方不究城名訪諸耆舊咸言故老宿彥言
赫連之世有駿馬死此取馬色以為邑號故目城為

白口騮韻轉之謬遂仍今稱所未詳也

一清按漢志北地郡靈州

縣有河竒苑號非苑師古曰苑謂馬牧也水中有可
居者曰州此地在河之州隨水高下未嘗淪沒故號
靈州又曰河竒也二苑皆在北馬方輿紀要漢靈州
縣其後赫連夏據其地後魏主燾滅之太延二年置
薄骨律鎮在河渚上孝昌中改置靈州初在河北後
于果園所築城為州治駿馬之稱或因漢舊牧苑而
得名也案宇記薄骨律渠在迴樂縣南六十
里溉田一千餘頃迴樂縣即漢富平縣地

河水又

北逕朔方郡宏靜鎮典農城東

一清按太平寰宇記引此注作宏靜縣非

也隋圖經云宏靜縣本漢城居河外三里乃舊傳薄
骨律鎮倉城也後魏立宏靜鎮徙關東漢人以充屯
田則縣是周隋之際所置也世謂之胡城又北逕上河城東世謂

之漢城薛瓚曰上河在西河富平縣即此也馮參為

上河典農都尉所治也危林曰漢書馮參為上河農
都尉百官表曰農都尉武帝

置後漢百官志武帝時邊郡置農都尉主屯田殖穀
建武六年邊郡往往置都尉注引漢官儀曰農都尉

不治民御覽引魏畧曰曹公置典農中郎將秩二千
石典農都尉秩六百石典農校尉秩比二千石然則

漢官無典字至當塗始更耳水經及注作典農皆非
梁統傳光武拜梁騰酒泉典農都尉蔚宗亦誤一清

按續志注農都尉以下無漢官儀一條而御覽所引
魏略之文則見于大司農之下作魏志也然愚竊有

疑者裴世期注三國志引先賢行狀云陶謙表陳登為典農校尉則在曹氏之先已有典農之稱矣此與

厄林所引范

河水又北逕典農城東俗名之為呂城

書可參証也

皆參所屯以事農吐河水又東北逕廉縣故城東王莽之西河亭地理志卑移山在西北河水又北與枝津合水受大河東北逕富平城所在分裂以溉田圃北流入河今無水爾雅曰灑反入言河決復入者也河之有灑若漢之有潛也河水又東北逕渾懷障西地理志曰渾懷都尉治塞外者也

一清按漢志北地郡富平縣渾懷都

尉治塞外 太和初三齋平徙歷下民居此遂有歷城
渾懷障

之名矣南去北地三百里河水又東北歷石崖山西
去北地五百里山石之上自然有文畫若獸馬之狀
粲然成著類似圖焉故亦謂之畫石山也

又北過朔方臨戎縣西

河水東北逕三封縣故城東漢武帝元狩三年置十
三州志曰在臨戎縣西一百三十里河水又北逕臨
戎縣故城西漢元朔五年立舊朔方郡治

一清按續
志云凡縣

名先書者即所治王莽之所謂推武也河水又北有也此是東漢郡治

枝渠東出謂之銅口東逕沃壑縣故城南漢武帝元狩三年立王莽之綏武也枝渠東注以溉田所謂智通在我矣河水又北屈而為屠申澤南河出焉河水又北迤西溢於窳渾縣故城東漢武帝元朔二年開朔方郡以縣為西部都尉治有道自縣西北出雞鹿塞王莽更郡曰溝搜縣曰極武其水積而為屠申澤澤東西一百二十里故地理志曰屠申澤在縣東即

是澤也闕駟謂之窳渾澤矣

屈從縣北流

河水又屈而東流為北河東逕高闕南史記趙武靈王既襲胡服自代並陰山下至高闕為塞山下有長城長城之際連山刺天其山中斷兩岸雙闕峩然雲舉望若闕焉即狀表目故有高闕之名也自闕北出荒中闕口有城跨山結局謂之高闕戍上古迄今常置重捍以防塞道漢元朔四年衛青將十萬人敗右

賢王於高闕即此處也河水又東逕臨河縣故城北

漢武帝元朔三年封代恭王子劉賢為侯國

全氏曰代共王

子皆封西河此或是西河之臨水縣一清按西河近代宜是也而史漢表俱作臨河

王莽之監

河也漢武帝元朔二年大將軍衛青絕梓嶺梁北河是也

至河目縣西

河水自臨河縣東逕陽山南漢書注曰陽山在河北指此山也東流逕石跡阜西是阜破石之文悉有鹿

馬之跡故斯阜納稱焉南屈逕河目縣在北假中地名也自高關以東夾山帶河陽山以西皆北假也史記曰秦使蒙恬將十萬人北擊胡渡河取高關據陽山北假中是也北河又南合南河上承西河東逕臨戎縣故城北又東逕臨河縣南又東逕廣牧縣故城北有東部都尉治王莽之鹽官也逕流二百許里東會于河河水又南逕馬陰山西漢書音義曰陽山在河北陰山在河南謂是山也而即實不在河南史記

音義曰五原安陽縣北有馬陰山今山在縣北言陰山在河南又傳疑之非也余按南河北河及安陽縣以南悉沙阜耳無他異山故廣志曰朔方郡北移沙七所而無山以擬之是義志之僻也陰山在河東南則可矣河水又東南逕朔方縣故城東北詩所謂城彼朔方也漢元朔二年大將軍衛青取河南地為朔方郡使校尉蘇建築朔方城即此也王莽以為武符

者也

一清按寰宇記夏州朔方縣下引水經注曰有濛水合金河而南流初學記引水經注云朔方

郡有濛水紫河今本無之陝西行都司志曰高居誨使于闐記云甘州西五百里至肅州渡金河西百里出天關是也方輿紀要云紫河在大同府西北塞外杜佑曰勝州榆林縣有金河紫河自馬邑郡善無縣流入境合金河南流入大河魏道武帝擊劉衛辰自五原金津濟即金河之津按地理志云

金連鹽澤青鹽澤並在縣南矣又按魏土地記曰縣有大鹽池其鹽大而青白名曰青鹽又名戎鹽入藥分漢置典官鹽池去平城宮千二百里在新秦之中服虔曰新秦地名在北方千里如淳曰長安以北朔方以南也薛瓚曰秦逐匈奴收河南地徙民以實之

謂之新秦也

屈南過五原西安陽縣南

河水自朔方東轉逕渠搜縣故城北地理志曰朔方

有渠搜縣中部都尉治王莽之溝搜亭

一清按今本漢書落亭字

也禮三朝記曰北發渠搜南撫交阯此舉北對南禹

貢之所云析支渠搜矣

禹貢雖指曰傳同叔云陸氏曰漢志朔方郡有渠搜縣武

紀云北發渠搜是也以余考之漢朔方之渠搜非此所謂渠搜此亦當是金城以西之戎也後世種落遷徙故漢有居朔方者若禹時渠搜居朔方則不應浮積石陸說非也按水經河水自朔方東轉逕渠搜縣

故城北注云禮三朝記曰北發渠搜南撫交阯此舉
北對南禹貢之所云析支渠搜矣誤始道元而陸氏
因之大戴禮漢武紀並有三朝記語渠搜與交阯對
舉則不在朔方可知涼土異物志曰古渠搜國在大
宛北界隋書西域傳曰鏤汗國都葱嶺之西
五百餘里古渠搜國也渠搜之在西域明矣

河水又

逕西安陽縣故城南王莽更之曰漳安矣河水東逕
田辟城南地理志曰故西部都尉治也

屈東過九原縣南

河水又東逕成宜縣故城南王莽更曰艾虜也河水
又東逕原亭城南關駟十三州志曰中部都尉治

清

按原亭今本漢書作原高疑彼丈為誤蓋中部治原亭西部治田辟辟與壁同城障之名二語皆孟堅自註道元不應一引班書一引關志也似十三州志曰下別有關語而今缺失矣

河水又東逕

宜梁縣之故城南關駟曰五原西南六十里今世謂

之石崖城河水又東逕柁陽城南東部都尉治

一清按漢

志此語在五原郡下而柁陽縣下反無之道元注于臨沃縣下重叙河水又東逕柁陽縣故城南一地而再見豈別是一城耶殆不可曉也

又東逕河陰縣故城北又東逕九

原縣故城南秦始皇置九原郡治此漢武帝元朔二

年更名五原也王莽之獲降郡成平縣矣西北接對

一城蓋五原縣之故城也王莽之填河亭也竹書紀年云魏襄王十七年邯鄲命吏大夫奴遷于九原又命將軍大夫適子戍吏皆絡服矣其城南面長河北背連山秦始皇逐匈奴並河以東屬之陶山築亭障為河上塞徐廣史記音義曰陶山在原北即此山也

一清按史記始皇紀云西北斥逐匈奴自榆中並河以東屬之陰山以為三十四縣城河上為塞徐廣曰陰山在五原北蒙恬傳云於是渡河據陽山徐廣曰五原西安陽縣北有陰山陰山在河南陽山在河北此陶山似是陰山之誤始皇紀云又使蒙恬渡河取高闕陶山北假中道元以陰山不在河南既與史記

之文無碍陰陶字形相似故耳非別有一陶山也劉
向七略古文或誤以見為典以陶為陰如此類多

始皇二十四年

全氏曰史記年表是三十三年

起自臨洮東暨遼海

西並陰山築長城及開南越地晝警夜作民勞怨苦
故楊泉物理論曰秦始皇使蒙恬築長城死者相屬
民歌曰生男慎勿舉生女哺用餵不見長城下尸骸
相支柱其冤痛如此矣蒙恬臨死曰夫起臨洮屬遼
東城塹萬餘里不能不絕地脈此固當死也

又東過臨沃縣南

王莽之振武也河水又東枝津出焉河水又東流石

門水南注之水出石門山地理志曰北出石門障即

此山也西北趣光祿城

一清按漢志五原郡朔陽縣北出石門障得光祿城又西

北得支龍城又西北得頭曼城又西北得厚河城又西北得宿虜城

甘露三年呼韓邪

單于還詔遣長樂衛尉高昌侯董忠車騎都尉韓昌

等將萬六千騎送單于居幕南保光祿徐自為所築

城也故城得其名矣城東北即懷朔鎮城也其水自

障東南流逕臨沃城東東南注于河河水又東逕稠

陽縣故城南王莽之固陰也地理志曰自縣北出石門障河水決其西南隅又東南枝津注焉水上承大河於臨沃縣東流七十里北溉田南流二十里注于河河水又東逕塞泉城南而東注

又東過雲中楨陵縣南又東過沙南縣北從縣東屈南過沙陵縣西

大河東逕咸陽縣故城南王莽之賁武也河水屈而西流白渠水注之水出塞外西逕定襄武進縣故城

北西部都尉治王莽更名代蠻世祖建武中封趙慮
為侯國也白渠水西北逕成樂固北郡國志曰成樂
故屬定襄也魏土地記曰雲中城東八十里有成樂
城今雲中郡治一名石盧城也白渠水又西逕魏雲
中宮南魏土地記曰雲中宮在雲中縣故城東四十
里白渠水又西南逕雲中縣故城南故趙地震氏記
云趙武侯自五原河曲築長城東至陰山又于河西
造大城一箱崩不就乃改卜陰山河曲而禱焉晝見

羣鷓遊于雲中徘徊經日見大光在其下武侯曰此為我乎乃即于其處築城今雲中城是也秦始皇十

三年立雲中郡縣曰遠服矣

一清按漢志雲中郡秦置莽曰受降雲中縣莽

曰遠服今注云云有缺失矣

白渠水又西北逕沙陵縣故城南王

莽之希恩縣也其水西注沙陵湖

一清按漢志定襄郡武進縣白渠水

出塞外西至沙陵入河

又有荒干水出塞外南逕鍾山山即陰

山故郎中侯應言于漢曰陰山東西千餘里單于之苑囿也自孝武出師攘之于漠北匈奴失陰山過之

金史地理卷之三
三
未嘗不哭謂此山也其水西南逕武臯縣王莽之永
武也又南逕原陽縣故城西又西南與武泉水合其
水東出武泉縣之故城西南縣即王莽之所謂順泉
者也水南流又西屈逕北輿縣故城南按地理志曰
五原有南輿縣王莽之南利也故此加北舊中部都
尉治十三州志曰廣陵有輿故此加北疑太踈遠也
其水又西南入荒干水西南逕白道南谷口有城在
右側帶長城背山面澤謂之白道城自城北出有高

阪謂之白道嶺沿路惟土穴出泉挹之不窮余每讀
琴操見琴慎相和雅歌錄云飲馬長城窟及其扳陟

斯途遠懷古事始知信矣非虛言也

一清按李善文選注引鄭善長

水經注曰余至長城其下往往有泉窟可飲馬古詩飲馬長城窟行信不虛也蓋隱括其辭此引書抄變之例顧瞻左右山椒之上有垣若頽基馬沿谿互嶺也

東西無極疑趙武靈山之所築也荒干水又西南逕雲中城北白道中谿水注之水發源武川北塞中其水南流逕武川鎮城城以景明中築以禦北狄矣其

水西南流歷谷逕魏帝行宮東世謂之阿計頭殿宮城在白道嶺北阜上其城員角而不方四門列觀城內惟臺殿而已其水又西南歷中谿出山西南流于雲中城北南注荒干水荒干水西出塞外懷朔鎮東北荒中南流逕廣德殿西山下余以太和十八年從高祖北巡屆于陰山之講武臺臺之東有高祖講武碑碑文是中書郎高聰之辭也自臺西出南上山山無樹木惟童阜耳即廣德殿所在也其殿四柱兩厦

堂宇綺井圖畫奇禽異獸之象殿之西北便得焜煌
堂雕楹鏤楠取狀古之温室也其時帝幸龍荒遊鸞
朔北南秦王仇池楊難當捨蕃委誠重譯拜闕陛見
之所也故殿以廣德為名魏太平真君三年刻石樹
碑勤宣時事碑頌云肅清帝道振攝四荒有蠻有戎
自彼氐羌無思不服重譯稽顙恂恂南秦斂斂推亡
峨峨廣德奕奕焜煌侍中司徒東郡公崔浩之辭也
碑陰題宣城公李孝伯尚書盧遐等從臣姓名若新

鏤焉其水歷谷南出陰山西南入荒干水荒干水又

西南注沙陵湖

一清按漢志定襄郡武臯縣荒干水出塞外西至沙陵入河

湖水

西南入于河河水南入楨陵縣西北緣胡山歷沙南

縣東北兩山二縣之間南出余以太和中為尚書郎

從高祖北巡親所逕涉縣在山南王莽之楨陸也北

去雲中城一百二十里縣南六十許里有東西大山

山西枕河河水南流脈水尋經殊垂川去之次似非

關究也

又南過赤城東

全氏曰胡三省云後魏明元帝泰常八年築長城于長川之南起自赤城西至

五原延袤二千餘里即此城也但考登國二年幸赤城三年又幸東赤城疑有兩赤城而今不可考矣一清按顧景范曰赤城堡在萬全指揮司東北二百里其地相傳蚩尤所居後魏主珽登國二年幸廣甯遂如赤城神瑞二年復如赤城此東赤城也司治即今宣化府史云幸廣甯遂如赤城其為東赤城無疑東赤城見沽水篇註河水所逕之赤城在朔州西北

又南過定襄桐過縣西

定襄郡漢高帝六年置王莽之得降也桐過縣王莽

更名枳桐者也河水於二縣之間濟有君子之名

清

按寰宇記雲州雲中縣下引冀州圖經曰雲中郡南有君子津即大河之津又勝州河濱縣下云本漢沙

南縣地有君子津引水經注云云今注云河水于昔二縣之間似指雲中之沙南定襄之桐過而言也

漢桓帝十三年西幸榆中東行代地洛陽大賈齋金貨隨帝後行夜迷失道往投津長曰子封送之渡河賈人卒死津長埋之其子尋求父喪發塚舉尸資囊一無所損其子悉以金與之津長不受事聞于帝帝曰君子也即名其津為君子濟濟在雲中城西南二百餘里

厄林曰後漢書桓帝再幸函谷一臨雲夢乘輿鹵簿不屈榆中且京雒宅中代畎不為東地元號屢易紀年不得十三嘉君子之名必非蠹吾之主按魏收書以猗苞為桓帝幽并之間水草是逐

度沙漠而飲馬據參合以張檀故以榆林為西桑乾
為左矣尋厥昆嗣屢遊斯津則桓即猗色差無乖爽
但猗色統部止十一年此言十三又非佳證且桑氏
已著濟名則事在漢桓之先矣一清按十三十一字
畫譌誤君子濟名經注混淆方叔之言義
猶未盡敢附窺虎之末以成析麇之功 河水又東

南左合一水水出契吳東山西逕故里南北俗謂之
契吳亭其水又西流注于河河水又南樹頽水注之

一清按史記周本紀曰吾聞犬戎樹敦韋昭曰樹立
也言犬戎立性敦篤也方輿紀要云志云周穆王時
犬戎樹惇居此有城在寧夏衛西周涼州刺史史寧
曰樹敦賀真二城吐谷渾之巢穴也魏書地形志朔
州神武郡領殊頽縣今注云
樹魏蓋語出戎方音之異耳 水出東山西南流右合

中陵川水水出中陵縣西南山下北俗謂之大浴山
其水亦取名焉東北流逕中陵縣故城東北俗謂之
北右突城王莽之遮害也十三州志曰善無縣南七

十五里有中陵縣世祖建武二十五年置

一清按班志已有中

陵縣不應置自光武也司馬彪郡國志云定襄郡中陵故屬雁門以言改隸則可耳其水又西

北右合一水水出東山北俗謂之貸敢山水又受名
焉其水自西北流注于中陵水又西北流逕善無縣

故城西王莽之陰館也十三州志曰舊定襄郡治地

理志曰雁門郡治其水又西北流右會一水水出東山下北俗謂之吐文水山又取名焉北流逕鉏亭南西流逕土壁亭南西出峽左入中陵水水又北分為二水一水東北流謂之沃水又東逕沃陽縣故城南北俗謂之可不塗城王莽之敬陽也又東北逕沃陽城東又東合可不塗水水出縣東南六十里山下西北流注沃水合流而東逕參合縣南魏因參合陁以即名也北俗謂之倉鶴陁道出其中亦謂之參合口

陘在縣之西北即燕書所謂太子寶自河西還師參
合三軍奔潰即是處也魏立縣以隸涼城郡也西去
沃陽縣故城二十里縣北十里有都尉城地理志曰
沃陽縣西部都尉治者也北俗謂之阿養城其水又
東合一水水出縣東南六十里山下北俗謂之災豆
渾水西北流注于沃水又東北流注鹽池地理志曰
鹽澤在東北者也今鹽池西南去沃陽故城六十五
里池水澱滯淵而不流東西三十里南北二十里池

北十里即涼城郡治池西有舊治俗謂之涼城也郡
取名焉地理志曰澤有長丞此城即長丞所治也城
西三里有小阜阜下有泉東南流注池北俗謂之大
谷堆此水亦受目焉中陵川水自枝津西北流右合
一水於連嶺北水出沃陽縣東北山下北俗名之烏

伏真山水曰誥升素河

一清按晉書匈奴右賢王去
卑之子曰誥升爰魏書鐵弗

劉虎南單于苗裔左賢王去卑之孫虎父誥升爰
一名訓兜誥則此河以人得名爰素音同通用西

南流逕沃陽縣左合中陵川亂流西南與一水合北

俗謂之樹頹水水出東山下西南流右合誥升袁水
亂流西南注分為二水左水枝分南出北俗謂之太
羅河右水西逕故城南北俗名之昆新城其水自城
西南流注于河河水又南太羅水注之水源上承樹

頹河南流西轉逕武州縣故城南

一清按禹貢雖指云河水折而南逕

廢東勝州東入塞其東岸則平鹵衛杜佑曰勝州東至黃河四十里北至黃河五里西北至黃河二十里平鹵衛在山西大同府西少南二百四十里本漢雁門郡之武州縣隋唐以後為朔州地今山西朔州有武州城亦謂之河套魏收地
形志恒州代郡領武周縣 十三州志曰武州縣在

善無城西百五十里北俗謂之太羅城水亦藉稱焉
其水西南流右水注之水導故城西北五十里南流
逕城西北俗名之故槃迴城又南流注太羅河太羅
河又西南流注于河河水又左得湍水口水出西河
郡美稷縣東南流東觀記曰郭伋細侯為并州牧前
在州素有恩德老小相攜道路行部到西河美稷數
百小兒各騎竹馬迎拜伋問兒曹何自遠來曰聞使
君到喜故迎伋謝而發去諸兒復送郭外問使君何

日還假計日告之及還先期一日念小兒即止野亭
須期至乃往其水又東南流羌人因水以氏之漢沖
帝時羌湍狐奴歸化蓋其渠帥也其水俗亦謂之為
邁波水東南流入長城東鹹水出長城西鹹谷東入
湍水又東南渾波水出西北窮谷東南流注于湍水
湍水又東逕西河富昌縣故城南王莽之富城也湍
水又東流謂之湍口左合一水出善無縣故城西南
八十里其水西流歷于呂梁之山而為呂梁洪其山

巖層岫衍澗曲崖深巨石崇竦壁立千仞河流激盪
濤湧波襄雷奔電洩震天動地昔呂梁未闢河出孟
門之上蓋大禹所闢以通河也司馬彪曰呂梁在離
石縣西今於縣西歷山尋河並無過岨至是乃為河
之巨嶮即呂梁矣在離石北以東可二百有餘里也

一清按閻氏若璩古文尚書疏證曰道元言呂梁之
水勢與龍門無異而以為在離石離石明之石州改
名永寧州者是必求其地以實之永寧州東北則今
靜樂岢嵐州之地西去黃河約二百里無所謂河流
也土人欲當以河曲縣西南二十五里天橋峽亦有
禹鑿之迹天將陰雨激浪如雷幾相似矣而無所謂

千仞巨石又南去離石四百餘里皆與酈注不合當
闕疑禹貢雖指曰呂梁即禹貢之梁山龍門之南山
也尸子呂氏春秋淮南子先言龍門
次言呂梁其為夏書之梁山無疑

又南過西河固陽縣東

全氏曰漢志西河郡有固陽固
陰二縣師古曰固字本作固音

銀縣在固水之陰因以為名也王莽改為方陰則是當
時已誤作固字矣今有銀州銀水之稱即是舊名猶存
但字變耳然觀善長所見之本却不錯豈後人
因王莽有方陰之名而妄改為固字以實之乎

西河郡漢武帝元朔四年置王莽改曰歸新固水出

上郡白土縣固谷東逕其縣南地理志曰固水出西

東入河王莽更曰黃土也東至長城與神御水合水

出縣南神御山夾山東出至長城入于囿囿水又東
逕鴻門縣縣故鴻門亭地理風俗記曰囿陰縣西五
十里有鴻門亭天封苑火井廟火從地中出囿水又
東梁水注之水出縣西北梁谷東南流注囿水又東
逕囿陰縣北漢惠帝五年立王莽改曰方陰矣又東
桑谷水注之水出西北桑谿東北流入于囿囿水又
東逕囿陰縣南東流注于河河水又東端水入焉水
西出號山山海經曰其山木多漆椶其草多芎藭是

多泝石端水出焉而東流注于河河水又南諸次之水入焉水出上郡諸次山山海經曰諸次之山諸次之水出焉是山多木無草鳥獸莫居是多象蛇其水東逕榆林塞世又謂之榆林山即漢書所謂榆谿舊塞者也自谿西去悉榆柳之藪矣緣歷沙陵居龜茲縣西出故謂廣長榆也王恢云樹榆為塞謂此矣蘇林以為榆中在上郡非也按始皇本紀西北逐匈奴自榆中並河以東屬之陰山然榆中在金城東五十

許里陰山在朔方東以此推之不得在上郡漢書音

義蘇林為是失也

全氏曰按胡三省曰蘇林之說固未為盡是而道元所謂榆中在金

城東五十許里亦非也衛青取河南地按榆谿舊塞正在唐麟勝二州界其西則接古上郡之境况諸次水出上郡逕榆林塞入河則榆林在上郡之東明矣諸次水無西流至金城之理夷考其故道元特以金城郡有榆中縣遂牽合之其水東入長城小榆水合

不知此誤尤甚于蘇林

焉歷澗西北窮谷其源也又東合首積水水西出首積谿谿東注諸次水又東入于河山海經曰諸次之水東流注于河即此水也河水又南湯水注之山海

經曰水出上申之山上無草木而多礪石下多榛栝
湯水出焉東流注于河也

又南過離石縣西奢延水注之

水西出奢延縣西南赤沙阜東北流山海經所謂生

水出孟山者也郭景純曰孟或作明

一清按八字注
中注又山海經

注無此文也西山經曰又北二百二十里曰孟山郭璞曰音于黃本訛孟作孟有妄男者竊聞孟津之為盟津孟豬之為盟豬自矜所見為博因改郭注以就之而不知其作偽之不可掩也然則此八字并非鄙舊
漢破羌將軍段熲破羌于奢延澤虜走落川落

川在南俗因縣土謂之奢延水又謂之朔方水矣東
北流逕其縣故城南王莽之奢節也赫連龍昇七年
於是水之北黑水之南遣將作大匠梁公叱干阿利

沈氏曰是年三月赫連改元
鳳翔然後以阿利領將作 改築大城名曰統萬城

蒸土加功堆堞雖久崇墉若新并造五兵器銳精利
乃咸百鍊為龍雀大鐶號曰大夏龍雀銘其背曰古
之利器吳楚湛盧大夏龍雀名冠神都可以懷遠可
以柔逋如風靡草威服九區世甚珍之又鑄銅為大

鼓及飛廉翁仲銅駝龍虎皆以黃金飾之列于宮殿之前則今夏州治也奢延水又東北與溫泉合源西北出沙谿而東南流注奢延水奢延水又東黑水入焉水出奢延縣黑澗東南歷沙陵注奢延水奢延水又東合交蘭水水出龜茲縣交蘭谷東南流注奢延水奢延水又東北流與鏡波水合水源出南邪山谷東北流注于奢延水奢延水又東逕膚施縣帝原水西北出龜茲縣東南流縣因處龜茲降胡著稱又

東南注奢延水又逕膚施縣南秦昭王三年置上郡

治漢高祖并三秦復以為郡王莽以漢馬員為增山

連率歸世祖以為上郡太守司馬彪曰增山者上郡

之別名也

全氏曰朱謀埭曰漢志西河自有增山縣愚謂班固不書王莽所改上郡之名是脫

文意者莽即以增山名上郡故司馬彪云然今世本
缺失當以水經注補之正不碍西河之別有增山縣

也馬員字季主新息侯援之兄也見後漢書本傳及章懷註

東入五龍山地理志

曰縣有五龍山帝原水

一清按漢志上郡膚施縣有五龍山帝原水黃帝祠四所

自下亦為通稱也歷長城東出于赤翟白翟之中

一清

按赤翟在中山不應
在此道元注頗滑突

又有平水出西北平谿東南入

奢延水又東走馬水注之水出西南長城北陽周縣

故城南橋山昔二世賜蒙恬死於此王莽更名上陵

峙山上有黃帝冢故也帝崩惟弓劍存焉故世稱黃

帝仙矣其水東流昔段熲追羌出橋門至走馬水聞

羌在奢延澤即此處也門即橋山之長城門也始皇

令太子扶蘇與蒙恬築長城起自臨洮至于碣石即

是城也其水東北流入長城又東北注奢延水又東

與白羊水合其水出于西南白羊谿巡谿東北注于奢延水奢延水又東入于河山海經曰生水東流注于河河水又南陵水注之水出陵川北谿南逕其川西轉入河河水又南得離石水口水出離石北山南流逕離石縣故城西史記云秦昭王伐趙取離石者也漢武帝元朔三年封代共王子劉綰為侯國後漢西河郡治也其水又南出西轉逕隰城縣故城南漢武帝元朔三年封代共王子劉忠為侯國王莽之慈

平亭也胡俗語譌尚有干城之稱其水西流注于河也

又南過中陽縣西

中陽縣故城在東東翼汾水隔越重山不濱于河也

又南過土軍縣西

吐京郡治故城即土軍縣之故城也胡漢譯言皆為

譌變矣其城員長而不方漢高帝十一年以封武侯

宣義為侯國

一清按漢表云謚式此從史表又索隱曰按位次曰信成侯也

縣有龍

泉出城東南道左山下牧龍川上多產名駒駿同
滇池天馬其水西北流至其城東南土軍水出道左
高山西南注之龍泉水又北屈逕其城東西北入于
河河水又南合契水傍谿東入窮谷其源也又南至
祿谷水口水源東窮此谿也河水又南得大蛇水發
源谿首西流入河河水又南右納辱水山海經曰辱
水出于鳥山其上多桑其下多楮陰多鐵陽多玉其
水東流注于河俗謂之秀延水東流得浣水口傍谿

西轉窮谿便即浣水之源也秀延水又東會于根水
西南谿下根水所發而東北注秀延水又東南露跳
水出西露谿東流又東北入秀延水亂流注于河
水又南左合信支水水發源東露谿西流入于河
水又南左會石羊水巡谿東入導源窮谷西流注于

河

一清按漢志西河郡穀羅縣武澤在西北武澤本曰虎澤唐人避諱改之後漢建武二十八年詔南

匈奴居西河美稷之虎澤即此澤也胡三省曰虎澤應在五原曼柏之北在今榆林鎮之東北而是注無

馬聞

又南過上郡高奴縣東

域谷水東啟荒原西歷長谿西南入于河河水又南
合谿口水出孔山南歷谿西流注于河孔山之上有
穴如車輪三所東西相當相去各二丈許南北直通
故謂之孔山也山在蒲城西南三十餘里河水又右
會區水山海經西次四經之首曰陰山西北百七十
里曰申山其上多穀柞其下多柎榘其陽多金玉區
水出焉而東流注于河世謂之清水清水出上郡東

流入于長城逕老人山下又東北流至老人谷傍水
北出極谿便得水源清水又東得龍尾水口水出北
地神泉障北山龍尾谿東北流注清水又東會三湖
水水出南山三湖谷東北流入清水清水又東逕高
奴縣合豐林水地理志謂之洧水也故言高奴縣有
洧水肥可難一清按俗本漢書落肥字水上有肥可接取用之博
物志稱酒泉延壽院南山出泉水大如筥注地為溝
水有肥如肉汁取著器中始黃後黑如凝膏然極明

與膏無異膏車及水碓缸甚佳彼方人謂之石漆水
肥亦所在有之非止高奴縣洧水也項羽以封董翳
為翟王居之三秦此其一也漢高祖破以縣之王莽
之利平矣民俗語譌謂之高樓城也豐林川長津瀉
注北流會洧水又南奚谷水注之水西出奚川東
南流入洧水又東注于河河水又南逕蒲川石樓山
南逕蒲城東即重耳所奔之處也又南歷蒲子縣故
城西今大魏之汾州治徐廣晉紀稱劉淵自離石南

移蒲子者也。闕駟曰：蒲城在西北，漢武帝置其水南出，得黃盧水口，東出，歷蒲子城南，東北入黃盧谷，極谿，便水之源也。又南合紫川水，水出東北紫川谷，西南合江水，江水出江谷，西北入紫川水，紫川水又西北入蒲水，蒲水出石樓山下，又西南入于河，河水又南，黑水出定陽縣西山，二源竒發，同瀉一壑，東南流，逕其縣北，又東南流，右合定水，俗謂之白水也。水西出其縣南山，定水谷東，逕定陽縣故城南，應劭曰：縣

在定水之陽也定水又東注于黑水亂流東南入于
河

水經注釋卷三

欽定四庫全書

水經注釋卷四

仁和趙一清撰

河水四

河水又南過河東北屈縣西

河水南逕北屈縣故城西十里有風山上有穴如輪

風氣蕭瑟習常不止當其衝飄也而略無生草蓋常

不定衆風之門故也風山西四十里河南孟門山與

龍門山相對山海經曰孟門之山其上多金玉其下
多黃堊涅石淮南子曰龍門未闢呂梁未鑿河出孟
門之上大溢逆流無有丘陵高阜滅之名曰洪水大
禹疏通謂之孟門故穆天子傳曰北升孟門九河之
隘孟門即龍門之上口也實為河之巨阨兼孟門津
之名矣此石經始禹鑿河中漱廣夾岸崇深傾崖返
捍巨石臨危若墜復倚古之人有言水非石鑿而能
入石信哉其中水流交衝素氣雲浮往來遙觀者常

若霧露沾人窺深悸魄其水尚崩浪萬尋縣流千丈
渾洪聳怒鼓若山騰濬波頽疊迄于下口方知慎子
下龍門流浮竹非駟馬之追也又有燕完水注之異
源合舍西流注河河水又南得鯉魚水歷澗東入窮
溪首便其源也爾雅曰鱸鮪也出鞏穴三月則上渡
龍門得渡為龍矣否則點額而還非夫往還之會何
能便有茲稱乎河水又南羊求水入焉水東出羊求
川西逕北屈縣故城南城即夷吾所奔邑也王莽之

朕北也汲郡古文曰翟章救鄭次于南屈應劭曰有南故加北國語曰二五言於獻公曰蒲與二屈君之疆也其水西流注于河河水又南為采桑津春秋僖公八年晉里克敗狄于采桑是也

又南過皮氏縣西

赤水出西北罷谷川東謂之赤石川東入于河河水又南合蒲水西則兩源並發俱導一山出西河陰山縣王莽之山寧也陰山東麓南水東北與長松水合

水出西三陽山東東北流左入蒲水蒲水又東北與
北溪會同為一川東北注河河水又南得丹水水出
丹陽山東北逕冶官東俗謂之丹陽城城之左右猶
有遺銅矣其水東北會白水口水出丹山東而西北
注之丹水又東東北入河河水又南黑水西出丹山
東而東北入于河河水又南至崿谷傍全氏曰下當
有合崿谷水
四東北窮澗水源所導也西南流注于河河水又南
字洛水自獵山枝分東派東南注于河昔魏文侯築館

洛陰指謂是水也皮氏縣王莽之延平也故城在龍門東南不得延逕皮氏方屈龍門也

又南出龍門口汾水從東來注之

昔者大禹導河積石疏決梁山謂斯處也即經所謂

龍門矣魏土地記曰梁山北有龍門山

一清按漢志左馮翊夏陽

縣禹貢梁山在西北龍門山在北

大禹所鑿通孟津河口廣八十步

巖際鑿迹遺功尚存岸上並有廟祠祠前有石碑三所二碑文字紊滅不可復識一碑是太和中立竹書

紀年晉昭公元年河水赤于龍門三里梁惠成王四年河水赤于龍門三日京房易妖占曰河水赤下民恨河水又南右合暢谷水水自溪東南流逕夏陽縣西北東南注于河河水又南逕梁山原東原自山東南出至河晉之望也在馮翊夏陽縣之西臨于河上山崩壅河三日不流晉侯以此問伯宗即是處也春秋穀梁傳曰成五年梁山崩遏河水三日不流召伯尊遇輦者不避使車右鞭之輦者曰所以鞭我者其

取道遠矣伯尊因問之輦者曰君親縞素率羣臣哭之斯流矣如其言而河流河水又南岨谷水注之水出縣西北梁山東南流橫溪水注之水出三累山其山層密三成故俗以三累名山按爾雅山三成為崑崙三斯山豈亦崑丘乎山水際有二石室蓋隱者之故居矣細水東流注于岨谷側溪山南有石室西面有兩石室北面有二石室皆因阿結壚連肩接闔所謂石室相距也東廂石上猶傳杵臼之跡庭中亦

有舊宇處尚髣髴前基北坎室上有微涓石溜豐周

瓢飲似是栖遊隱學之所昔子夏教授西河疑即此

也而無以辨之

一清按寰宇記相州安陽縣西河隋圖經云卜子夏田子方段干木所遊

之地以魏趙多儒學齊魯及鄒皆謂此為西河非龍門之西河也

溪水又東南逕夏

陽縣故城北故少梁也秦惠文王十一年更從今名

矣王莽之冀亭也其水東南流注于河昔韓信之襲

魏王豹也以木罌自此渡河水又南右合陶渠水水

出縣西北梁山東南流逕漢陽太守殷濟精廬南俗

謂之子夏廟渠水又南逕高門原南蓋層阜墮缺故

流高門之稱矣

一清按太平寰宇記同州韓城縣下引水經注云高門原南有層阜秀出

雲表俗謂馬門原今本無之曹氏學陰名勝志引注云層阜相承秀出雲表

又東南逕華池

南池方三百六十步在夏陽城西北四里許故司馬

遷碑文云高門華池在茲夏陽城西北漢陽太守殷

濟精舍四里所今高門東去華池三里渠水又東南

逕夏陽縣故城南服虔曰夏陽號邑也在大陽東三

十里城南

朱氏謀埠箋曰春秋僖公二年虞師晉師滅下陽杜元凱云下陽號邑在河東大陽

縣按漢志宏農陝縣注故虢國在大陽東馮翊夏陽
縣注故少梁龍門在北則下陽夏陽兩地也公羊傳
下陽作夏陽服氏因之誤矣

又歷高陽宮北又東南逕司馬子長

墓北墓前有廟廟前有碑永嘉四年漢陽太守殷濟
瞻仰遺文大其功德遂建石室立碑樹桓太史公自
叙曰遷生於龍門是其墳墟所在矣渠水東南流入
河昔魏文侯與吳起浮河而下美河山之固即於此
也河水又南徐水注之水出縣西北梁山東南流逕
漢武帝登仙宮東東南流絕彊梁原逕劉仲城北是

漢祖兄劉仲之封邑也故徐廣史記音義曰郃陽國

名也高祖八年侯劉仲元年一清按史表合陽侯喜徐廣曰一名嘉則仲是

其字索隱曰屬馮翊而漢諸侯王表作郃陽王子侯表作合陽窠宇記冀州信都縣合陽城漢縣高帝時

以代王喜棄國降為合陽侯後漢省并入扶柳舊地理書並失所在蓋在今郡東界地理志平原郡有合

陽縣云侯國王莽曰宜鄉者也樂氏之記是為非矣又按名勝志引注云河水又逕劉仲城北又逕姚武

壁南今本僅有劉仲城而無姚武壁蓋有脫失矣按窠宇記同州夏陽縣有姚武壁姚武偃號于此蓋以

武功立因是也其水逕子夏陵北東入河河水又南名姚武壁

逕子夏石室東南北有二石室臨側河崖即子夏廟

室也

又南過汾陰縣西

河水東際汾陰雕縣故城在雕側漢高帝六年封周

昌為侯國魏土地記曰河東郡北八十里有汾陰城

北去汾水三里城西北隅曰雕丘上有后土祠封禪

書曰元鼎四年始立后土祠於汾陰雕丘是也又有

萬歲宮漢宣帝神爵元年幸萬歲宮東濟大河而神

魚舞水矣昔趙簡子沈纒激

朱氏謀埒箋曰呂氏春秋作纒激

於此

曰吾好聲色而是子致之吾好士六年不進一人是
長吾過而絀吾善君子以為能謹矣河水又逕郃陽
城東周威烈王之十七年魏文侯伐秦還築汾陰郃
陽即此城也故有莘邑矣為大似之國詩云在郃之
陽在渭之涘又曰纘女維莘長子維行謂此也城北
有漢水南去二水各數里其水東逕其城內東入于
河又於城南側中有漢水東南出城注于河城南又
有漢水東流注于河水南猶有文母廟前有碑去城

一十五里水即郃水也縣取名焉故應劭曰在郃水

之陽也河水又南漢水入焉水出汾陰縣南四十里

西去河三里平地開源瀆泉上湧大幾如輪深則不

測俗呼之為漢魁古人壅其流以為陂水種稻東西

二百步南北一百餘步

一清按王氏存元豐九域志河中府古跡漢水下引水經

云漢水出汾陰南四十里周迴一百八十步冬溫夏冷清澈見底今本似有缺文

與郃陽漢

水夾河中渚上又有一漢水皆潛相通故呂忱曰爾

雅異出同流為漢水

一清按滎河縣本漢汾陰縣地道元何以不取爾雅郭註原文

僅錄呂忱字林數語致與經典全相乖迥殆故以示博爾今疏記于左以正其失爾雅釋水漢大出尾下註云今河東汾陰縣有水口如車輪許漬沸湧出其深無限名之曰漢馮翊郃陽縣復有漢亦如之相去數里而夾河中階上又有一漢漢源皆潛相通在汾陰者人壅其流以為陂種稻呼其本出處為漢魁此是也尾猶底也

其水西南流歷蒲坂西西流注于河河水又南逕陶城西舜陶河濱皇甫士安以為定陶不在此也然陶城在蒲坂城北城即舜所都也南去歷山不遠或耕或陶所在則可何必定陶方得為陶也舜之陶也斯或一焉孟津有陶河之稱蓋從此始之南對

蒲津關汲冢竹書紀年魏襄王七年秦王來見于蒲
坂關四月越王使公師隅來獻乘舟始因及舟三百
箭五百萬犀角象齒馬

又南過蒲坂縣西

地理志曰縣故蒲也王莽更名蒲城應劭曰秦始皇
東巡見有長坂故加坂也孟康曰晉文公以賂秦秦
人還蒲於魏魏人喜曰蒲反矣故曰蒲反也薛瓚注
漢書曰秦世家以垣為蒲坂然則本非蒲也

全氏曰
孟康解

因魏壽餘事而參錯其說皇甫謐曰舜所都也或言蒲坂或言平

陽及漢者也一清按舜都廣甯今直隸之懷來縣漢

胡三省通鑑註曰據水經注潘當作漢然其引皇甫

士安之書則又云或言蒲阪或言潘可知宋本水經

已誤潘為漢梅磧不能決擇所從徒啟後學之疑漢

志續志晉志魏志皆作潘亦見灑水篇注蓋漢是夾

河中隋非可以建都也今城中有舜廟魏秦州刺史治太和遷

都罷州立河東郡郡多流雜謂之徒民民有姓劉名

墮者宿擅工釀採挹河流醞成芳耐懸食同枯枝之

年排於桑落之辰朱氏謀璋箋曰二語有譌誤一清

按宋李厚註東坡詩胡三省注通

鑑引水經注語正同則知相沿已久故酒得其名矣然香醕之色清白

若滌漿焉別調氛氳不與侘同蘭薰麝越自成馨逸

一清按通鑑注作馨遠方土之貢選最佳酌矣自王公庶友牽

拂相招者每云索郎有顧思同旅語索郎反語為桑落也更為籍徵之雋句中書之英談郡南有歷山也

謂之歷觀舜所耕處有舜井媯汭二水出焉南曰媯水北曰汭水西逕歷山下上有舜廟周處風土記曰

舊說舜葬上虞又記云耕於歷山而始寧剡二縣界

上舜所耕田於山下多柞樹吳越之間名柞為楹故曰歷山余按周處此志為不近情傳疑則可證實非

矣安可假木異名附山殊稱彊引大舜即比寧懷全氏

曰寧懷當作甯環寧與甯通即指舜都廣甯朱謀璋箋強引河內之甯城于舜何與又引媯州懷戎縣之舜井以解懷字六朝何嘗有懷戎之稱乎蓋謂以歷山在東越猶之以廣甯之壤為歷山也更為

失誌記之本體差實錄之常經矣歷山媯汭言是則安於彼乖矣尚書所謂釐降二女於媯汭也孔安國曰居媯水之內王肅曰媯汭虞地名皇甫謐曰納二

女於媯水之內馬季長曰水所出曰汭然則汭似非
水名而今見有二水異源同歸渾流西注入于河
水又南逕雷首山西山臨大河北去蒲坂三十里尚
書所謂壺口雷首者也俗亦謂之堯山山上有故城
世又曰堯城關駟曰蒲坂堯都按地理志曰縣有堯

山首山祠雷首山在南事有似而非非而是千載眇

邈非所詳耳又南涑水注之水出河北縣雷首山全氏

曰此別是河北縣之涑水非聞喜縣之涑水也蓋聞
喜之涑水水經以為出東山黍葭谷注以為至周陽

與洮水合通鑑地理通識所云在陝州夏縣北四十里者是也河北之涑水則雷水亦即陽安澗水地理通識所云在河中府臨晉縣東十二里者是也近人合而一之樂史曰涑水自聞喜接河今涑水篇但言涑水入張澤而不言張澤之所入又曰西北去蒲坂一十五里然則聞喜之涑水所入正與河北之涑水所出相接而又皆名涑水道元不細剖之兩處並引左傳伐我涑川之語已自蒙混及讀唐志虞卿縣北十五里有涑水渠貞觀十七年蒲州刺史薛萬徹所開自聞喜引流入臨晉以溉田乃恍然曰是兩涑水所由合也鹽池圖說曰涑水中尾多窄至臨晉而小谿諸水咸注之不知涑水本至張陽而止所謂中尾多窄者出于人力之通也過水則又一涑水也若左傳之涑川則在聞喜不在蒲坂蓋王官城亦在聞喜故也一清按全氏之說甚辨然涑水實非有二也涑之別曰洮而其截為二則自金天氏始左氏傳云臺

駘能業其官宣汾洮障大澤以處太原帝用嘉之封諸汾川則是張陽澤乃臺駘之遺跡故禹貢曰既修太原至于岳陽蓋治汾洮之水也曰修者修鯨之功至于岳陽而止岳陽霍太山之陽也其不及河可知鯨且不毀臺駘之業至唐乃溝而通之比數千年水道之一變也又徵之杜元凱之言矣左傳成十三年注云涑水出河東聞喜縣西南至蒲坂縣入河是二涑水本有相通之道杜故云然杜又在鄆前惟其有道可通唐人乃得溝而合之如二涑水各異則源流判然何以稱名合一乎

縣北與蒲坂

分山有夷齊廟關駟十三州志曰山一名獨頭山夷

齊所隱也山南有古冢陵柏蔚然攢茂丘阜俗謂之

夷齊墓也

閻氏若璩四書釋地曰史記正義首陽山凡五所王伯厚考曾子書以為在蒲坂舜

都者得之莫徵信于酈注然

其水西南流亦曰雷水

已兩說互存蓋莫能定爾
穆天子傳曰壬戌天子至于雷首犬戎胡觴天子於

雷首之阿乃獻良馬四六天子使孔牙受之于雷水

之干是也昔趙盾田首山食祁彌明翳桑之下

朱氏謀璋

箋曰左傳作提彌明全氏曰祁提音近致訛然食者別是靈輒非提彌明史記則以翳桑餓人為祁彌明斯乃善長有意舍左用史義門所謂故以示博者也即於此也涑水又西南流

注于河春秋左傳謂之涑川者也俗謂之陽安澗水

又南至華陰潼關渭水從西來注之

汲郡竹書紀年曰晉惠公十五年

沈氏曰晉惠公以十四年卒無十五年

年乃周襄王之十五年是年秦納重耳次年秦穆公至河上則周襄王之十六年也涑水篇誤同

帥師送公子重耳涉自河曲春秋左氏僖公二十四年秦伯納之及河子犯以璧授公子曰臣負羈紕從君巡於天下臣之罪多矣臣猶知之而况君子請由此亡公子曰所不與舅氏同心者有如白水投璧於此子推哭曰天開公公子子犯以為功吾不忍與同位遂逃焉河水歷船司空與渭水會漢書地理志曰舊

京兆尹之屬縣也

一清按既引漢志不當云舊也

左丘明國語云華

嶽本一山當河河水過而曲行河神巨靈手盪腳躅

開而為兩今掌足之迹仍存華巖

朱氏謀埜箋曰按巨靈事在薛綜西

京賦注引古語云云非左氏國語也此誤記之耳

開山圖曰有巨靈胡者偏

得神元之道能造山川出河所謂巨靈顛顛首冠靈

山者也常有好事之人故升華嶽而觀厥跡焉自下

廟歷列栢南行十一里東迴三里至中祠又西南出

五里至南祠謂之北君祠諸欲升山者至此皆祈請

焉從此南入谷七里又屈一祠謂之石養父母石龕
木主存焉又南出一里至天井井裁容人穴空迂迴
頓曲而上可高六丈餘山上又有微涓細水流入井
中亦不甚沾人上者皆所由涉更無別路欲出井望
空視明如在室窺窓也出井東南行二里峻坂斗上
斗下降此坂二里許又復東上百丈崖升降皆須扳
繩挽葛而行矣南上四里路到石壁緣傍稍進逕一
百餘步自此西南出六里又至一神

全氏曰魏書地
形志每縣下皆

載有祠但直作神字疑是北人竟以神字當祠字耳緣生南人自當曰祠善長則襲其方言或曰神或曰祠參用之名曰胡趨寺神像有童子之容從祠南歷夾嶺

廣裁三尺餘兩箱懸崖數萬仞窺不見底祀祠有感則雲與之平然後敢度猶須騎嶺抽身漸以就進故世謂斯嶺為搦嶺矣度此二里便屈山頂上方七里靈泉二所一名蒲池西流注于澗一名太上泉東注澗下上官神廟近東北隅其中塞實雜物事難詳載自上宮東北出四百五十步有屈嶺東南望巨靈手

跡唯見洪崖赤壁而已都無山下上觀之分均矣河
在關內南流潼激關山因謂之潼關濩水注之水出
松果之山北流逕通谷世亦謂之通谷水東北注于
河述征記所謂潼谷水者也或說因水以名地也河
水自潼關東北流水側有長坂謂之黃巷坂一作黃
卷坂傍絕澗涉此坂以升潼關所謂沂黃巷以濟潼
關矣歷北出東嶠通謂之函谷關也邃岸天高空谷
幽深澗道之峽車不方軌號曰天嶮故西京賦曰巖

嶮周固矜帶易守所謂秦得百二并吞諸侯也是以

王元說隗囂曰請以一丸泥東封函谷關圖王不成

其弊足霸矣

全氏曰按何焯曰函谷關潼關蓋一地而異名也通典漢武帝徙函谷關于新

安至獻帝西幸出關猶在新安建安十六年曹操破馬超于潼關即是中間移此所謂國之巨防不為細事而史官失之是以杜岐公亦直謂函谷關即潼關特徙其地耳然通典于新安縣下云魏明帝景初元年河南尹盧延請却函谷關于峻下宏農守杜恕議以東徙潼關著郡下省函谷關徙蒯闞于盧氏正始元年宏農守孟康請移函谷關更號大峻關又為金關地理志曰是年廢函谷關然則潼關置于季漢而函谷關廢于魏之正始岐公前說未經刊正而善長亦同此誤耳王元泥封之說豈指華陰之潼關乎

郭緣生記曰漢末之亂魏武征韓遂馬超連兵此地
今際河之西有曹公壘道東原上云李典營義熙十
三年王師曾據此壘西征記曰沿路透迤入函道六
里有舊城城周百餘步北臨大河南對高山姚氏置
關以守峽宋武王入長安檀道濟王鎮惡或據山為
營或平地結壘為大小七營濱帶河嶮姚氏亦保據
山原陵阜之上尚傳故迹矣關之直北隔河有層阜
巍然獨秀孤峙河陽世謂之風陵

全氏曰史記作封陵

戴延之

所謂風埏者也南則河濱姚氏之營與晉對岸河水
又東北玉澗水注之水南出玉溪北流逕皇天原西
周固記開山東首上平博方可里餘三面壁立高千
許仞漢世祭天於其上名之為皇天原上有漢武帝

思子臺又北逕閿鄉城西郡國志曰弘農湖縣有閿

鄉全氏曰按師古曰閿本從旻許密反後誤作受而
忘音汝投反今俗讀閿音則以閿與閿近致訛傳

呼失其實也一清按後漢書鄭興傳云客授閿鄉章
懷註云閿音閿建安中改作閿今世但有閿音而許

密反之音隱矣又李宏憲云閿古文
聞說文从門受聲則知閿即聞也
世謂之閿鄉水

也魏尚書僕射閔鄉侯河東衛伯儒之故邑其水北流注于河河水又東逕閔鄉城南東與全鳩澗水合水出南山北逕皇天原東述征記曰全節地名也其西名桃原古之桃林周武王克殷休牛之地矣西征賦曰咸徵名於桃園者也晉太康地記曰桃林在閔鄉南谷中其水入河北注于河

又東過河北縣南

縣與湖縣分河蓼水出襄山蓼谷西南流注于河河

水又東永樂澗水注之水北出于薄山南流逕河北縣故城西故魏國也晉獻公滅魏以封畢萬卜偃曰魏大名也萬後其昌乎後乃縣之在河之北故曰河北縣也今城南西二面並去大河可二十餘里北去首山一十許里處河山之間土地迫隘故魏風著十畝之詩也城內有龍泉南流出城又南斷而不流永樂溪水又南入于河余按中山經即渠豬之水也太史公封禪書稱華山以西名山七薄山其一焉薄山

即襄山也徐廣曰蒲坂縣有襄山山海經曰蒲山之
首曰甘棗之山共水出焉而西流注于河東則渠豬
之山渠豬之水出焉而南流注于河如準封禪書二
水無西南流河之理今診蓼水川流所趣與共水相
扶永樂溪水導源注于河又與渠豬勢合蒲山統目
總稱亦與襄山不殊故揚雄河東賦曰河靈攬踢掌
華蹈襄

沈氏曰原賦作爪華蹈襄蘇林
曰襄山也師古曰爪古掌字

注云襄山在

潼關北十餘里以是推之知襄山在蒲坂蓼水即渠

豬之水也河水自河北城南東逕芮城二城之中有

段干木冢干木晉之賢人也魏文侯過其門軾其廬

所謂德尊萬古芳越來今矣汲冢竹書紀年曰晉武

公元年尚一軍芮人乘京荀人董伯皆叛匪直大荔

故芮也此亦有焉

全氏曰按大荔之戎亦名芮戎在
北地而芮伯之國在臨晉其後大

荔滅于秦種落盖有居于臨晉者漢人遂合芮戎芮
伯之國而一之謂臨晉即故大荔是大繆也惟善長
稍辨之曰匪直大荔故芮也此亦有焉
紀年又云晉
則二芮了然矣而讀其注者鮮知之

武公七年芮伯萬之母芮姜遂萬萬出奔魏八年周

師號師圍魏取芮伯萬而東之九年戎人逆芮伯萬于郊斯城亦或伯萬之故畫也河水又會槃澗水水出湖縣夸父山北逕漢武帝思子宮歸來望思臺東又北流入于河河水又東逕湖縣故城北昔范叔入關遇穰侯於此矣湖水出桃林塞之夸父山廣員山百仞武王伐紂天下既定王及嶽瀆放馬華陽散牛桃林卽此處也其中多野馬造父於此得驂騮綠耳盜驪之乘以獻周穆王使之馭以見西王母湖水又

北逕湖縣東而北流入于河魏土地記曰宏農湖縣
有軒轅黃帝登仙處黃帝採首山之銅鑄鼎於荆山
之下有龍垂胡於鼎黃帝登龍從登者七十人遂昇
於天故名其地為鼎胡荆山在馮翊首山在蒲坂與
胡縣相連晉書地道記太康記並言胡縣也漢武帝
改作湖俗云黃帝自此乘龍上天也地理志曰京兆
湖縣有周天子祠二所故曰胡不言黃帝升龍也山
海經曰西九十里曰夸父之山其木多椶櫚多竹箭

其陽多玉其陰多鐵其北有林焉名曰桃林其中多馬湖水出焉北流注于河故三秦記曰桃林塞在長安東四百里若有軍馬經過好行則牧華山休息林下惡行則決河漫延人馬不得過矣河水又東合柏谷水水出弘農縣南石隄山山下有石隄祠銘云魏甘露四年散騎常侍征南將軍豫州刺史領弘農太守南平公之所經建也其水北流逕其亭下晉公子重耳出亡及栢谷卜適齊楚狐偃曰不如之翟漢武

帝嘗微行此亭見饋亭長妻故潘岳西征賦曰長傲
賓於栢谷妻靚貌而獻餐謂此亭也栢谷水又北流
入于河河水又東右合門水門水即洛水之枝流者
也洛水自上洛縣東北於拒陽城西北分為二水枝
渠東北出為門水也門水又東北歷陽華之山即華
陽山海經所謂陽華之山門水出焉者也又東北歷
峽謂之鴻關水水東有城即關亭也水西有堡謂之
鴻關堡世亦謂之劉項裂地處非也余按上洛有鴻

臚圍池是水津渠沿注故謂斯川為鴻臚澗鴻關之名乃起是矣門水又東北歷邑川二水注之左水出于陽華之陽東北流逕盛牆亭西東北流與右水合右水出陽華之陰東北流逕盛牆亭東東北與左水合即山海經所謂緡姑之水出于陽華之陰東北流注于門水者也又東北燭水注之水有二源左水南出于衙嶺世謂之石城山其水東北流逕石城西東北合右水右水出石城山東北逕石城東東北入左

水地理志曰燭水出衙嶺下谷開山圖曰衙山在函
谷山西南是水亂流東注于緡姑之水二水悉得通
稱矣歷澗東北出謂之開方口水側有阜名之方伯
堆宋奮武將軍魯方平建武將軍薛安都等與建威
將軍柳元景北入軍次方伯堆者也堆上有城即方
平所築也又東北逕邑川城南即漢封竇門之故邑
川受其名亦曰竇門城在函谷關南七里又東北田
渠水注之水出衙山之白石谷東北流逕故丘亭東

是薛安都軍所從城也其水又逕鹿蹠山西山石之上有鹿蹠自然成著非人功所刊歷田渠川謂之田渠水西北流注于燭水燭水又北入門水水之左右即函谷山也門水又北逕弘農縣故城東城即故函谷關校尉舊治處也終軍棄繻於此燕丹孟嘗亦義動鷄鳴於其下可謂深心有感志誠難奪矣昔老子西入關尹喜望氣於此也故趙至與嵇茂齊書曰李叟入秦及關而歎亦言與嵇叔夜書及關尹望氣之

所異說紛紛並未知所定矣漢武帝元鼎四年

沈氏曰是

年三徙關於新安縣以故關為弘農縣弘農郡治王莽

更名右隊劉桓公為郡虎相隨渡河光武聞而善之

其水側城北流而注于河河水於此有涇津之名說

者咸云漢武微行栢谷遇辱竇門又感其妻深識之

饋既返玉階厚賞賚焉賜以河津令其鬻渡今竇津

者是也故潘岳西征賦酬匹婦其已秦胡厥夫之謬

官素豹之徒並以為然余按河之南畔夾側水漬有

澗謂之涇津河北縣有涇水涇津其水南入于河河水故有涇津之名不從門始蓋事類名同故作者是之竹書穆天子傳曰天子自寘軫乃次于涇水之陽丁亥入于南鄭考其沿歷所鍾路直斯津以是推之知非因門矣俗或謂之偃鄉澗水也河水又合左右二水其水二源疏引俱導薄山南流會成一川其二水之內世謂之閼原言虞芮所爭之田所未詳矣又南注于河河水右會谷水水出南山北逕曹陽亭西

陳涉遣周章入秦少府章邯斬之於此魏氏以為好
陽晉書地道記曰亭在弘農縣東十三里其水西北
流入于河河水又東菑水注之水出常烝之山西北
逕曲沃城南又屈逕其城西西北入河諸注述者咸
言曲沃在北此非也魏司徒崔浩以為曲沃地名也
余按春秋文公十三年晉侯使詹嘉守桃林之塞處
此以脩秦時以曲沃之官守之故曲沃之名遂為積
古之傳矣河水又東得七里澗澗在陝西七里故因

名馬谷水自南山通河亦謂之曹陽坑是以潘岳西
征賦曰行於漫瀆之口憩於曹陽之墟素豹崔浩亦
不非其地矣余按漢書昔獻帝東遷逼以寇難李傕
郭汜追戰于弘農澗天子遂露次曹陽楊奉董承外
與傕和內引白波李樂等破傕乘輿於是得進復來
戰奉等大敗兵相連綴四十餘里方得達陝以是推
之似非曹陽然以山海經求之菑曹字相類是或有

曹陽之名也

王氏世懋讀史訂疑曰靈寶之西函谷
之東有澗直下黃河曰弘農澗一統志

云宋避英宗諱改為鴻蘆竊疑宋為太祖父諱宏殷耳何必并農字改之英宗初名及後更名俱不犯二字以為英宗者尤誤也後閔王得臣塵史始知其大繆不然得臣曾修陝志云靈寶之西有澗曰洪溜不知其名之因也比見水經注云縣有鴻臚園池是水津渠沿注故謂斯川為鴻臚澗是知洪溜語之訛也灑然始悟當時俗名是洪溜原非弘農所謂鴻臚者即得臣援證水經修志時改之耳彼自云鴻臚非鴻蘆也得臣政和時年八十所著書正當英宗前後何嘗有避諱之說乎蓋陝州古名弘農而是澗先名洪溜後名鴻臚其聲近于弘農措大強解事遂以意傅會其說以為復古而名之事故有習而非真予故拈出之以雪斯澗之誤名今靈寶人亦順呼為弘農無有知其非者仍當稱鴻臚為是不然稱洪溜猶是宋以前之語也一清按敬美之言非也據鄭注鴻臚園池在上洛縣上洛屬商州去陝四百餘里安可便以

鴻臚為弘農也後漢書獻帝紀云十一月庚午李傕郭汜等追乘輿戰于東澗王師敗績壬申幸曹陽露次田中章懷注云曹陽澗名在今陝州西南七里俗謂之七里澗董卓傳云傕汜共追乘輿大戰于弘農東澗天子遂露次曹陽寔字記陝州陝縣下云曹陽墟俗民七里澗在縣西四十五里魏武帝改曰好陽澗本曰曹陽以在曹水之陽然則傕汜戰處乃是弘農之東澗一名七里澗者是今節去東字直云弘農澗方土之稱酈氏因之未為失也若以鴻臚園池釋之抑更差違已且洪溜澗名見漢書注顏師古曰桃林縣南有洪溜澗水即古之函關是也紛紛辨質實為辭費又全氏曰善長疑曹陽即菑陽然師古註陳涉傳云曹水出陝縣西南峴頭山北流入河今謂之好陽澗在陝縣西四十五里則菑水外別有曹水不如善長所云

河水東合譙水水道源常烝之山俗謂之干

山蓋先後之異名也山在陝城南八十里其川流也
二源雙導同注一壑而西北流注于河

又東過陝縣北

橐水出橐山西北流又有干水出南山北谷逕崖峽
北流與干山之水會出干山東谷兩川合注于崖水
又東北注橐水北流出谷謂之漫澗矣與安陽溪水
合水出石峻南西逕安陽城南漢武帝封上官桀為

侯國也

一清按史記橐隱曰表在蕩陰志屬汝南地理志汝南郡安陽縣下云侯國是也方輿紀

要云彰德府安陽縣本紂之朝歌地七國時為魏寧
新中邑秦昭襄王五十年王齕從張唐拔之更名安
陽漢省入蕩陰縣昭帝封上官桀為侯邑然則非陝
之安陽城也武帝字亦誤外戚恩澤侯表桀以昭帝
始元二年正月壬寅封 潘岳所謂我徂安陽也東合漫澗水北

有逆旅亭謂之漫口客舍也又西逕陝縣故城南又
合一水謂之瀆谷水南出近溪北流注橐其水又西
北逕陝城西西北入于河河北對茅城故茅亭茅戎
邑也公羊曰晉敗之大陽者也津亦取名焉春秋文
公三年秦伯伐晉自茅津濟封峭尸而還是也東則

咸陽澗水注之水出北虞山南至陝津注河河南即

陝城也昔周召分伯以此城為東西之別東城即號

邑之上陽也號仲之所都為南號三號此其一焉清一

按地理志陝縣下云北號在大陽東號在滎陽西號
在雍州并此是四號矣蓋陝與大陽夾河對岸南號
即北號故有上陽下陽之分亦有南號北號之稱矣
陝為號都大陽為號塞邑穀梁傳及杜注可証下陽
失而號不守故春秋書曰滅也何焯云按杜預云陝
縣東南有號城即是西號國此南字或是西字之誤
蓋號仲之封非雍州之號其說與班志異春秋分記
曰僖五年號仲號叔王季之穆此二號西號也仲之
封今陝州陝縣又以別于鳳翔之號故亦謂之南號
號叔之封今鳳翔府號縣以號在中國之西又謂之

西號隱元年制巖邑也號叔死焉東號也今鄭州滎陽縣觀此則北號即南號而非西號分記所言本于孟堅足證何說之謬分記為宋程公說撰其疆理書最精彙予常見宋鏗于妹婿姚小坡家真異寶也

其大城中有小城故焦國也武王以封神農之後於此王莽更名黃眉矣戴延之云城南倚山原北臨黃河縣水百餘仞臨之者咸悚惕焉西北帶河水湧起方數十丈有物居水中父老云銅翁仲所沒處又云石虎載經於此沈沒二物並存水所以湧所未詳也或云翁仲頭髻常出水之漲減恒與水齊晉軍當至

髻不復出今唯見水異耳嗟嗟有聲聲聞數里按秦
始皇二十六年長狄十二見于臨洮長五丈餘以為
善祥鑄金人十二以象之各重二十四萬斤坐之宮
門之前謂之金狄皆銘其胷云皇帝二十六年初兼
天下以為郡縣正法律同度量大人來見臨洮身長
五丈足六尺李斯書也故衛恒叙篆曰秦之李斯號
為工篆諸山碑及銅人銘皆斯書也漢自阿房徙之
未央前俗謂之翁仲矣地皇二年王莽夢銅人泣惡

之念銅人銘有皇帝初兼天下文使尚方工鑄滅所
夢銅人膺文後董卓毀其九為錢其在者三魏明帝
欲徙之洛陽重不可勝至霸水西停之漢晉春秋曰
或言金狄泣故留之石虎取置鄴宮苻堅又徙之長
安毀二為錢其一未至而苻堅亂百姓推置陝北河
中於是金狄滅余以為鴻河巨瀆故應不為細梗躡
湍長津碩浪無宜以微物屯流

一清按史記索隱引謝承後漢書銅人翁

仲翁仲其名也三輔舊事銅人十二各重二十四萬斤漢代在長樂宮門前董卓壞其十為錢餘二猶在

石季龍徙之鄴苻堅又徙之長安而銷之也則銅人
存者只二枚非三枚亦非百姓推置河中誠如道元
所云足以杜悠悠繆之口也斯水之所以濤波者蓋史記所云魏文

侯二十六年號山崩壅河所致耳獻帝東遷日夕潛
渡墜坑爭舟舟指可掬亦是處矣

又東過大陽縣南

交澗水出吳山東南流入河河水又東路澗水亦出
吳山東逕大陽城西南流注中澗水入于河河水
又東逕大陽縣故城南竹書紀年曰晉獻公十有九

年獻公會虞師伐虢滅下陽虢公醜奔衛

全氏曰善長書多不

引三傳而引竹書如晉滅下陽是一事在僖二年滅虢又一事在僖五年明見三傳今竹書混而舉之非矣且醜奔京師不奔衛也獻公命瑕父呂甥邑于虢都地理志曰

北虢也有天子廟王莽更名勤田應劭地理風俗記城在大河之陽也河水又東沙澗水注之水出虞山

東南逕傳巖歷傳說隱室前俗名之為聖人窟孔安

國傳傳說隱於虞虢之間即此處也傳巖東北十餘里即巖軫坂也春秋左傳所謂入自巖軫者也有東

西絕澗左右幽空窮深地壑中則築以成道指南北之路謂之幹橋也傳說傭隱止息於此高宗求夢得之是矣橋之東北有虞原原上道東有虞城堯妻舜

以嬪于虞者也

全氏曰釐降媯汭在蒲坂道元明載二水于前與虞何豫張冠而李戴不

亦真乎周武王以封太伯弟虞仲於此是為虞公一清按漢

書地理志河東郡大陽縣下云周武王封太伯後於此是為虞公此是孟堅誤記史記吳世家云太伯卒無子弟仲雍立仲雍卒子季簡立季簡卒子叔達立叔達卒子周章立是時周武王克殷求大伯仲雍之後得周章周章已君吳因而封之乃封周章弟虞仲於周之北故夏墟是為虞仲然則虞仲是仲雍之曾

孫周章之弟明係二人小司馬以為祖與孫同號也
古今人表有仲雍在上中列太伯之次有虞仲在中
中云周章弟與史記合今注作太伯弟
虞仲鄴氏亦誤當作太伯弟後虞仲也
晉太康地記

所謂北虞也城東有山世謂之五家冢冢上有虞公
廟春秋穀梁傳曰晉獻公將伐虢荀息曰君何不以
屈產之乘垂棘之璧假道於虞公曰此晉國之寶也
曰是取中府置外府也公從之及取虢滅虞乃牽馬
操壁璧則猶故馬齒長矣即宮之奇所謂虞虢其猶
輔車相依唇亡則齒寒虢亡虞亦亡矣其城北對長

坂二十許里謂之虞坂戴延之曰自上及下七山相重戰國策曰昔騏驎駕鹽車上於虞坂遷延負轅而不能進此蓋其困處也橋之東北山溪中有小水西

南流注沙澗亂流逕大陽城東河北郡治也

一清按河北郡

見魏書地形志是拓跋氏所置隋書五代志河東郡河北縣下云舊置河北郡開皇初郡廢則又似治河北縣也且魏志大陽縣亦居河北郡之第四其第一縣為北安邑也沙澗水南流注于

河河水又東南左合積石土柱二溪並北發大陽之山南流入于河是山也亦通謂之為薄山矣故穆天子

傳曰天子自盥己丑南登于薄山寘軫之隘乃宿于
虞是也

又東過砥柱間

砥柱山名也昔禹治洪水山陵當水者鑿之故破山
以通河河水分流包山而過山見水中若柱然故曰
砥柱也三穿既決水流疏分指狀表目亦謂之三門

矣

全氏曰趙冬曦云砥柱山之六峰皆生河之中流
夏后所鑿其最北有兩柱相對距厓而立即所謂

三門也都穆云砥柱在陝州東五十里黃河中循河
至三門中曰神門南曰鬼門北曰人門水行其間聲

激如雷而鬼門尤為險惡舟筏一入鮮有得脫三門之廣約二十丈其東百五十步即砥柱崇約三丈周數丈以三門為砥柱者誤也山在虢城東北大陽城東也搜神記

稱齊景公渡于江沈之河鼃銜左驂沒之眾皆驚惕古冶子於是拔劍從之邪行五里逆行三里至于砥柱之下乃鼃也左手持鼃頭右手挾左驂燕躍鵠踴而出仰天大呼水為逆流三百步觀者皆以為河伯也亦或作江沅字者也若因地而為名則宜在蜀及長沙按春秋此二土並景公之所不至古冶子亦無

因而騁其勇矣劉向叙晏子春秋稱古冶子曰吾嘗
濟于河鼃銜左驂以入砥柱之流當是時也從而殺
之視之乃鼃也不言江沅矣又考史記云景公十二
年公見晉平公十八年復見晉昭公旌軒所指路直
斯津從鼃砥柱事或在茲又云觀者以為河伯賢於
江沅之證河伯本非江神又河可知也河之右則嶠
水注之水出河南盤嶠山西北流水上有梁俗謂之
鴨橋也歷澗東北流與石嶠水合水出石嶠山山有

二陵南陵夏后臯之墓也北陵文王所避風雨矣言
山徑委深峯阜交蔭故可以避風雨也秦將襲鄭蹇
叔致諫而公辭焉蹇叔哭子曰吾見其出不見其入
晉人禦師必於嶠矣余收爾骨焉孟明果覆秦師於
此嶠水又北左合西水亂流注于河河水又東千嶠
之水注焉南導于千嶠之山其水北流纏絡二道
漢建安中曹公西討巴漢惡南路之險故更開北道
自後行旅率多從之今山側附路有石銘云晉太原

三年引農太守梁柳修復舊道太峭以東西峭以西
明非一峭也西有二石又南五六十步臨溪有恬漢
先生翼神碑蓋隱斯山也其水北流注于河河水翼
岸夾山巍峰岐舉羣山疊秀重嶺干霄鄭玄按地說
河水東流貫砥柱觸閼流今世所謂砥柱者蓋乃閼
流也砥柱當在西河未詳也余按鄭玄所說非是西
河當無山以擬之自砥柱以下五戶以上其間一百
二十里河水竦石桀出勢連襄陸蓋亦禹鑿以通河

疑此關流也其山雖闢尚梗湍流激石雲洄深波怒
溢合有一十九灘水流迅急勢同三峽破害舟船自
古所患漢鴻嘉四年楊焉言從河上下患砥柱隘可
鑄廣之上乃令焉鑄之裁沒水中不能復去而令水
益湍怒害甚平日魏景初二年二月帝遣都督沙丘

部監運諫議大夫寇茲

一清按元和郡縣志引此文作寇慈

帥工三千

人歲常修治以平河岨晉泰始三年五月武帝遣監
運太中大夫趙國

一清按下缺人姓名

都匠中郎將河東藥世

帥衆五千餘人修治河灘事見五戶祠銘雖世代加
功水流湍洑濤波尚屯及其商舟是次鮮不踟蹰難
濟故有衆峽諸灘之言五戶灘名也有神祠通謂之
五戶將軍亦不知所以也

又東過平陰縣北清水從西北來注之

清水出清廉山之西嶺世亦謂之清營山其水東南
流出峽峽左有城蓋古關防也清水歷其南東流逕
臯落城北服虔曰赤翟之都也世謂之倚亮城蓋讀

聲近傳因失實也春秋左傳所謂晉侯使太子申生
伐東山臯落氏者也與倚亳川水合水出北山礦谷
東南流注于清清水又東逕清廉城南又東南流右
會南溪溪水出南山而東注清水又東合乾棗澗水
水出石人嶺下南流俗謂之扶蘇水又南歷奸苗北
馬頭山亦曰白水原西南逕垣縣故城北史記魏武
侯二年城安邑至垣即是縣也其水西南流注清水
水色白濁初會清流乃有元素之異也清水又東南

逕陽壺城東即垣縣之壺丘亭晉遷宋五大夫所居也清水又東南流注于河河水又東與教水合水出垣縣北教山南逕輔山高三十許里有泉源不測

其深山頂周員五六里少草木

一清按太平寰宇記東輔山在沁水縣西

南九十二里其山及西輔山與析城山相連有相輔之勢又澤州沁水縣下云害水出西輔山水經云害水出垣曲縣界今本無山海經曰孟門東南有平山

水出于其上潛于其下又是王屋之次疑即平山也其水南流歷鼓鍾上峽縣洪五丈飛流注壑夾岸深

高壁立直上輕崖秀舉百有餘丈峯次青松巖懸瀨
石於中歷落有翠栢生焉丹青綺分望若圖繡矣水
廣一十許步南流歷鼓鍾川分為二澗一澗西北出

一百六十許里山岫迴岨纔通馬步今聞喜縣東北

谷口猶有乾河里故溝存焉今無復有水

一清按續志聞喜邑

劉昭補注引史記曰伐韓到乾河郭璞曰縣東有乾
河口但有故溝處無復水也而注下文又有冬乾夏
流之稱然則未嘗枯絕也亦見澮水注 一水歷冶官西世人謂之鼓鍾

城城之左右猶有遺銅及銅錢也城西阜下有大泉

西流注澗與教水合伏入石下南至下峽山海經曰
鼓鍾之山帝臺之所以觴百神即是山也其水重源
又發南至西馬頭山東截坡下又伏流南十餘里復
出又謂之伏流水南入于河山海經曰教山教水出
焉西南流注于河是水冬乾夏流實惟乾河也今世
人猶謂之為乾澗矣河水又與畛水合水出新安縣
青要山今謂之彊山山海經曰青要之山畛水出焉
北流注于河即是水也河水又東正回之水入焉水

出驄山疆山東阜也東流俗謂之疆川水與石瓜疇
川合水出西北石澗中東南流注于疆川水疆川水
又東逕疆冶鐵官東東北流注于河河水又東合庸
庸之水水出河東垣縣宜蘇山俗謂之長泉水山海
經曰水多黃貝伊洛門也其水北流分為二水一水
北入河一水又東北流注于河河水又東逕平陰縣

北地理風俗記曰河南平陰縣故晉陰地陰戎之所

居全氏曰按陰戎是陰地之戎杜預曰在河南山北
自上洛以東至陸渾觀左傳蠻子奔晉陰地良是

上洛善長以又曰在平城之南故曰平陰也三老董
為平陰非矣公說高祖處陸機所謂皤皤董叟謨我平陰者也魏
文帝改曰河陰矣河水右會瀑水水出垣縣王屋西
山瀑溪夾山東南流逕故城東即瀑關也漢光武建
武二年遣司空王梁北守瀑關天井關擊赤眉別校
皆降之獻帝自陝北渡安邑東出瀑關即是關也瀑
水西屈逕闕城南歷軹關南逕苗亭西亭故周之苗
邑也又東流注于河經書清水非也是乃瀑水耳

水經注釋卷四